

1229 Misit & ad Marcum Sanutum, ut ad tollendos ex insula latrones, eosdem perpetuos hostes, cum quam maximis posset copiis in Cretam transfret: insulanos dicere ad apertam defectionem spectare, quorum consilia nisi subito armorum terrore opprimerentur, fore ut paulo post tota insula a Veneto alienaretur imperio. Tum ille in tanto Reipublicæ discrimine haud cessandum ratus, armis repente sumptis, in Cretam transmisit: ibi ad cohibendos hostium motus opportuno loco oppidum fundasse dicitur. Ea re ter-
 riti hostes, nihil tamen ex sua pertinacia remittentes, ad Joannem Vatazum (qui Lesbum insulam in Ægeo mari habebat, quique non pauca alia Imperii loca ad eam diem armis occuparat, adeo ut se jam pro Græciæ Imperatore gereret) mittunt: cui per legatos insulæ principatum, ejectis Venetis, promittunt, si tempestitiva sibi mitteret auxilia, atque ea ipsa tam valida, ut ad ejiciendum hostem satis essent virium suffectura. Erant ea tempestate Vatazi opes haud contemptibiles: quippe quem Hexagonarum Rex (qui circa Ponticum mare se quoque Græciæ Imperatorem nominabat) novo fœdere, novaque affinitate sibi junxerat, eo consilio, ut Byzantii imperium communi nomine oppugnarent. Ægre tulerat illud, quod Rubertus adolescens, Petri Imperatoris filius, purpuratorum quorundam consilium secutus, affinitatem Hierosolymitani Regis (qui præter nomen nihil ex tanto regno retineret) suæ prætulisset. Tres igitur & triginta longas naves in Cretensium auxilium Vatazus mittit. Sub hostium appulsum Marcus Sanutus, pecunia, ut dicitur, a Vatazo corruptus, cum omnibus copiis insula excessit. Tum Vatazanæ classis præfectus ad urbium oppugnationem conversus, Marco Quirino ad deditio-
 nem compulsus, Rithymnam recepit. Quirini deditio-
 nem secuti Margaritus Fuscarenus, Milopotamum, Conradus Milenius, Castrum novum hostibus tradidere. Nec ad primum eorum conspectum facta est deditio, verum aliquandiu oppida ipsa prius oppugnata sunt, quam dedita. Cataldus Avenalis, qui castellum quod Bonifacii dicitur, cum valida manu iniverat, præsidium & oppidum impigre tue-
 batur:

1231
*Cretenses
 deficiunt ad
 Joannem
 Vatazum.*